



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: UP-1/21-1-40-509-4/22
Datum: 21.10.2022. godine

«Agencija za vodno područje rijeke Save» Sarajevo rješavajući po zahtjevu pravnog lica, «AB Industrials» d.o.o. Sarajevo – Podružnica «Ecco Green» Zavidovići, za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Proizvodnog kompleksa za tretman i reciklažu neopasnog miješanog otpada izgrađenog u Omladinskom naselju u Zavidovićima, na osnovu člana 109. stav 2. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

R J E Š E N J E **o vodnoj dozvoli**

1. Pravnom licu, «AB Industrials» d.o.o. Sarajevo – Podružnica «Ecco Green» Zavidovići, daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Proizvodnog kompleksa za tretman i reciklažu neopasnog miješanog otpada izgrađenog na zemljištu označenom kao k.č. broj: 227/1 i 227/18 K.O. Zavidovići, općina Zavidovići.
2. Vodna dozvola se daje uz slijedeće uslove koje je vlasnik odnosno korisnik objekta dužan provoditi u roku važenja ove dozvole i to:
 - 2.1. Da se upotreba i korištenje predmetnog poslovnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole
 - 2.2. Da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode ispuštaju u gradski kanalizacioni kolektor.
 - 2.3. Da se obezbijedi siguran način sakupljanja i skladištenja starog motornog ulja, masti, emulzija i ostalog otpada na bazi nafte, do njihovog konačnog zbrinjavanja od strane ovlaštene organizacije uz odgovarajući ugovor sa istom.
 - 2.4. Da se objekti čija je svrha prikupljanje, odvođenje i prečišćavanje onečišćenih otpadnih voda (separator ulja i masti, slivnike, rešetke i kanalizacionu mrežu) redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.5. Prečišćene tehnološke otpadne vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. U periodu važenja ove dozvole, Korisnik je dužan provoditi sve mjere i aktivnosti propisane istom.
4. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu za koji se izdaje vodna dozvola, korisnik zaštitnih vodnih objekata nije odgovoran za nastale štete.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «AB Industrials» d.o.o. Sarajevo – Podružnica «Ecco Green» Zavidovići, obratilo se ovoj Agenciji dana 26.09.2022. godine sa zahtjevom za izdavanje vodne dozvole za Proizvodni kompleksa za tretman i reciklažu neopasnog miješanog otpada izgrađen u Omladinskom naselju u Zavidovićima. Uz zahtjev je dostavljena slijedeća dokumentacija:

- Ovjerena kopija Rješenja o izmjenama podataka o upisu u sudski registar, broj: 065-0-Reg-20-004282 izdatog dana 02.02.2021. godine od strane Općinskog suda u Sarajevu,
- Kopija Uvjerenja o registraciji poreznog obveznika izdatog 12.03.2021.godine od strane Porezne uprave Federacije BiH – Kantonalni porezni ured Sarajevo,
- Kopija Rješenja o urbanističkoj saglasnosti, broj: 12-19-10769/21 izdatog 10.03.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje, broj: 12-19-4016/22 izdatog 03.08.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Izvještaja komisije za tehnički pregled izvedenih radova za predmetni objekat,
- Kopija Rješenja o prethodnoj vodnoj saglasnosti, broj: UP-1/21-1-40-005-6/22 izdatog 18.02.2022. godine od strane ove Agencije,
- Kopija Rješenja o vodnoj saglasnosti, broj: UP-1/21-2-40-171-2/22 izdatog 19.04.2022. godine od strane ove Agencije,
- Kopija računa za vodovod i kanalizaciju, broj: 14497-8586/0822 izdatog 31.08.2022.godine od strane JKP «Radnik» d.o.o. Zavidovići,
- Glavni projekat vanjskih instalacija kanalizacije za pribavljanje vodne saglasnosti poslovno-proizvodne hale za tretman i reciklažu neopasnog miješanog otpada, urađen aprila 2022. godine od strane «ES HYDROTECHNICS» d.o.o. Sarajevo,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari. U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa i tom prilikom je sačinjen Zapisnik o uviđaju broj: UP-1/21-3-40-509-3/22 od 17.10.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleks se nalazi na lijevoj obali rijeke Bosne u Omladinskom naselju u ulici Radnička u Zavidovićima. Osnovna djelatnost društva je sakupljanje, otkup, reciklaža i prerada neopasnog otpada i njegovo pretvaranje u kvalitetnu sirovinu koja će se ponovo vratiti u proizvodnju. Planirani kapacitet prerade je 100 tona/dan.

Oborinske onečišćene vode sa saobraćajnih i manipulativnih površina će se zajedno sa tehnološkim otpadnim vodama nastalim na radnim površinama reciklažnog dvorišta, pranjem boksova i servisiranjem opreme, prikupljati sistemom slivnika i kanalizacione mreže i odvoditi na tretman u tipski separator masti i ulja. Ispust iz separatora je, preko okna za monitoring, izveden u gradski kanalizacioni kolektor kojim upravlja JKP «Radnik» d.o.o. Zavidovići.

Sanitarно-fekalne vode su priključene na gradsku kanalizaciju.

Snabdjevanje vodom riješeno je priključkom na gradski vodovod.

Kompletan sistem prikupljanja i tretmana tehnoloških otpadnih voda kompleksa izveden je u skladu sa ovjerenom projektnom dokumentacijom na osnovu koje je, od strane ove Agencije, doneseno Rješenje o vodnoj saglasnosti broj: UP-1/21-2-40-171-2/22 od 19.04.2022.godine.

Uvidom u dostavljeni Račun za vodu i kanalizaciju konstatovano je da podnosilac zahtjeva plaća posebne vodne naknade za korištenje voda i zaštitu voda JKP «Radnik» d.o.o. Zavidovići.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. Dispozitiva rješenja propisani uslovi kojih se dužan pridržavati prilikom korištenja objekta u skladu s članom 116. Zakona o vodama („Službene novine Federacije BiH“, broj 70/06), te članom 13. Pravilnika o sadržaju, obliku, uvjetima, i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20 i 96/20).

Na osnovu provedenog postupka konstatuje se da je podnosilac zahtjeva, «AB Industrials» d.o.o. Sarajevo – Podružnica «Ecco Green» Zavidovići, ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada Proizvodnog kompleksa za tretman i reciklažu neopasnog miješanog otpada izgrađenog u Omladinskom naselju u Zavidovićima, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-509-2/22 od 30.09.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «AB INDUSTRIALS» d.o.o. Sarajevo (sa prilogom)
Ul. Grbavička br. 8/II, 71000 Sarajevo
- AVP Sava, ISV-vodna knjiga,
- Sektor 50-ovdje
- sektor 40 – arhiva
- Oglasna tabla AVP Sava-Sarajevo